





第一七一册

四庫全書

● 上海古籍出版社

本冊目次

讀春秋略記

春秋四傳質

左傳杜林合注

明朱朝瑛撰 ······ 一

明王介之撰 ······ 二二七

明王道焜同編 ······ 三三三

明趙如源同編 ······ 三三三

欽定四庫全書

經部

讀春秋畧記

目錄

詳校官監察御史臣沈孫鍾

給事中臣溫常綬覆助

覆校官中書臣康儀鈞

校對官中書臣王璣

勝錄監生臣徐步青

欽定四庫全書

經部五

讀春秋畧記

目錄

春秋類

卷一

總論

隱公

卷二

桓公

欽定四庫全書

讀春秋畧記

目錄

卷三

莊公

卷四

閔公

卷五

僖公

卷六

文公

卷七

宣公

卷八

成公

卷九

襄公

卷十

昭公

欽定四庫全書

讀春秋畧記

二

卷十一

定公

欽定四庫全書

讀春秋畧記

三

哀公

臣等謹按讀春秋畧記十二卷明朱朝瑛撰

朝瑛於諸經皆有畧記已各著於錄其所述

瑕瑜互見不能悉底精粹惟此書與讀詩畧

記較為詳晰允當其所採上自啖趙下及季

本部敬諸家之說無不備列而舊說所未盡復以己意折衷之大旨主於因經以考傳而不肯信傳以害經故於三傳之可通者亦間從其說而其他則多所駁正中間如謂孔父之字嘉猶唐杜甫之字美以今証古殊為可疑不於倫又力斥漢書五行志穿鑿傳會之非而於恒星不見一條乃引何休之說以為法度廢絕威信不行之象亦未免自相矛盾然

欽定四庫全書

讀春秋畧記

三

其餘可取者甚多如論隱公三年春王二月

己巳日食乃三月非二月夫人子氏為隱公

之夫人又楚人秦人巴人滅庸為窺伺周鼎

又哀公元年改卜牛不復災以為天厭魯德

如此之類皆見發明亦說春秋家之有所心得者也乾隆四十二年三月恭校上

總纂官臣紀昀臣陸錫熊臣孫士毅

總校官臣陸費墀

總論

春秋大義一言以蔽之曰尊王此人人所知者而聖人

委曲維持之深心則未之或知也東遷而後諸侯放恣

幾不知有王矣桓文出而假王之名以令諸侯聖人予之非徒貴其名也以為此一念之天良未至于澌滅為

之別擇而表揚之使天下之人衆著于名義此轉亂為

治之一機也故伐國而請于王則主王臣以明王討會

諸侯而請于王則主王臣以明王會不則其救人也不

則其攘夷也皆所以尊王也非然而侵伐會盟皆譏矣

是聖人之與桓文非與其伯也與其尊王者而已後之

獎桓文者乃云上無明王下無方伯聖人不得已而授

之以諸侯夫諸侯者天子之諸侯聖人安得而授之大

非春秋尊王之義也黜桓文者又云齊晉名為尊王實

則借王之權亂王之法是亦一楚也則併其好名之志

而沒之何以激發人之天良而誘進于大道乎隨之屯而得衆者苟得其道可以轉懼而為譽變凶而為功也槩舉而黜之豈聖人委曲維持之心哉

讀春秋者須觀聖人之特筆觀其特筆而全書之旨可會而通也于稷之會特書成宋亂惡賄賂之始行也于澶淵之會特書宋災故惜義理之終不明也世之齷齪者徇利而忘害既足以致天下之亂而一二有志于救

時者又不審于輕重緩急之宜往往舍其重而謀其輕

舍其急而謀其緩使亂者終不可以治是聖人所大痛

也書成宋亂見正身之要焉書宋災故見辨義之精焉

書鄭棄其師見楚之所由橫書王室亂見亂之所由極

亢聖人所為格致誠正修齊治平之道無不著于此矣

書天王狩于河陽見世道之未盡喪亂者猶可以復治

書西狩獲麟見人心之未盡滅衰者猶可以復昌則聖

人所為知天立命參贊化育之事亦將于此乎始之此

數者未可以盡聖人之特筆而特筆之大者已不外於此

以春秋為無褒貶乎則一諸侯也何以忽而稱爵忽而稱人忽而生稱其名以春秋為有褒貶乎則稱爵者未必皆褒稱人者未必皆貶也為有褒貶之說者比事而考之不免于支離膠擾而不可通為無褒貶之說者若姓氏日月之類舍之可也一切稱人稱爵稱名稱字皆無所分別則聖人所云取義者安在無所取義又安用欽定四庫全書

讀書錄

三

此紛紛異同之稱為也在他國之大夫或有所因或有所未詳若諸侯之稱人王大夫之稱氏魯季友之稱字豈有所因亦豈有所未詳與近世說春秋者唐荆川李彭山王明逸郝仲興諸家各有論著非不直捷曉暢然舉聖人之微詞槩置弗辨惟以為據事直書則既筆削之春秋何以異于未筆削之春秋哉晉韓起聘于魯見易象春秋曰周禮盡在魯矣夫既不謬於周禮豈遂不若司馬子長或有虛美隱惡以待聖人之直之然而聖

人復從而筆之削之者其取義不在褒貶將在何等也聖人蓋有褒貶而無褒貶之定例也公羊氏曰不待貶絕而舉惡見者不貶絕以見罪惡也貶絕然後罪惡見者貶絕以見罪惡也斯言得之矣而猶未盡其變何以

言之有因其時而變者有因其人而變者有因其事而變者閔僖以前諸侯為政則褒貶常在諸侯而不在大夫文宣以後大夫為政則褒貶常在大夫而不在諸侯此因其時而變者也褒貶之在諸侯者大國小國皆有欽定四庫全書

讀書錄

四

之褒貶之在大夫者常在大國而不在小國此因其人而變者也在諸侯者不過辭有重輕大抵稱爵為重稱人為輕重者近于褒輕者近于貶然不待貶而惡見者則亦稱爵以著其惡也在大夫者不過辭有詳畧大抵稱名為詳稱人為畧詳者近于褒畧者近于貶然不待貶而惡見則亦稱名以著其惡也此因其事而變者也至于吳楚之稱則皆因天下之進退而進退之天下外之則春秋舉國號而已天下進之中國則春秋人之又

進之而列于諸侯則春秋爵之其稱國稱人稱爵者非以褒貶吳楚蓋以著諸侯之得失而明世道之存亡也春秋之作豈為借逆謀哉此其褒貶之意在于言外又變而難窮者也總之春秋繼詩而作詩有美者有刺者有以美而實刺者有屬辭在此而取義在彼者春秋褒貶之法亦如是已蓋春秋之作非徒彰善輝惡而已也謹嚴之中不失溫厚惡之小者罪止于下也激切之至反類委蛇惡大而不討者罪累上也下之以媿夫不肖

欽定四庫全書

讀春秋畧記
卷廿

五

之人使感于欲並生之之德斯化于為善上之以儆天下之底亂賊者有以發其深省而恥鳥獸之同群斯共奮于討惡之義矣非聖人孰能與于此

春秋經史相輔而行史以陳其事經以著其義一筆一削瞭然可見自魯史亡而左傳作春秋之義多不可解矣趙襄子之卒後孔子五十五年而左氏已舉其謚是作于戰國時無疑故其書多採他史以附之與經文謀戾而不合其大者莫如趙盾許止弑君而以為不弑君

樂書苟僕不弑君而以為弑君于載之下論議紛然終莫能定皆蔽于左氏之說也公穀之疎畧益不足言已學者不因經以攷傳而欲據傳以明經于是名實牴牾是非舛錯春秋之義愈辨愈晦或起而矯之一切棄去憑臆為說則又失之太悍苟義之可通以傳釋經可也義之必不可通者不得不以經廢傳耳至於經文有殘缺者有增衍者有舛誤者不可盡知今畧三傳之所異而特舉其同者如夏五郭公有秋無冬無冬有月之類

欽定四庫全書

讀春秋畧記
卷廿

六

此殘缺之明証也桓十二年十一月之再書丙戌此增衍之明証也隱三年之書月日前後不合此外誤之明証也其可考者如此必有不止於此者而不可考也又如紀子伯仲孫忘之為缺文襄二十一年二十四年比月日食之為衍文蔡桓侯蔡侯申之為誤文此又可以理推而知也其可推者如此必有不止于此者而不可推也安知應書而不書者之非缺耶不應書而書者之不行耶又安知應褒而貶應貶而褒者之非舛耶且公

羊穀梁書孔子生左氏書孔丘卒是非春秋之原文明矣以為尊孔子而特書之何以書生者不書卒書卒者又不書生則其意為損益又可知耶所損益者既不可知其書又可盡信耶今姑釋其義之可通者而置其所不可通者不敢信傳以害經亦不敢執一辭以害全旨據吾意之所以度聖人之所可未必聖人之可之也據吾意之所否以度聖人之所否未必聖人之否之也

燕石寶藏徒作貽笑飛蟲弋獲庶幾有當焉爾

欽定四庫全書

讀春秋畧記

九

欽定四庫全書

讀春秋畧記

春秋之文萬有六千五百餘史記自序曰春秋文成數萬子長生于秦火之後豈得獨見全經要其言必有所據信斯言也則春秋之殘缺者幾半矣顏師古曰一萬之外即可以萬言之然不得遂云數萬也左氏所記不見于經者甚多其詞亦間有類於釋經者安知非春秋之逸文乎更可異者張晏云春秋萬八千字晏為三國時人其所言春秋之文與今春秋多寡相越之遠至于千百則何以解也

欽定四庫全書

讀春秋畧記卷一

明 朱朝瑛 撰

隱公

元年春王正月

正月為建子之月不必復辨即周文安辨之甚詳至十月隕霜則亦自謂無以解也所疑者程子云孔子以夏時冠周正胡氏從之誠若是則孔子之作春秋非尊周也適以亂周制其可乎考之周語云武王伐紂日在折木之津辰在斗柄以厯推當時南至日躔牽牛則伐紂之舉尚在南至之前而武成稱一月伐商泰誓稱春會孟津則改月改時自武王始矣周以前三正迭建未嘗改時與月自武王改之當時亦覺其未安故周公作周禮仍從夏正然後世卒莫之行者蓋其書未成而身歿與至于分至啟閉夏時終不可易故汲冢周書有參用夏時之說士君子尋常論議稱夏時者多矣未有稱夏月不稱周月者孟獻子

欽定四庫全書

讀春秋畧記

欽定四庫全書

讀春秋畧記

之稱正月日至七月日至孟子之稱七八月旱而苗槁此其較然顯白者也況于紀國事陳時政何得不遵昭代之典凡誓誥所述雅頌所歌皆周時周月也金縢秋大熟乃夏之七月月令登穀嘗新在此月也惟豳風之述夏俗則用夏正出車之作于商季則從商制他如十月之交辛卯日食不合于夏正而合于周正六月四月小明臣工等篇以周正解之無不合者詳讀詩畧記東遷而後正朔不頌諸侯有用夏正者晉獻公以十二月滅虢而卜偃稱九月十月之交是也左氏多採晉史故卓之弑在僖十年正月而傳稱九年十一月韓之戰在僖十五年十一月而傳稱九月此類往往而有不加辨正而記載參錯與經牴迕蓋有由矣若魯之春秋猶秉周制孔子修之以明昭代之典故書正而特繫之于王大義炳然無可復疑羅一峰曰聖人必不誣天之冬以為春誣天之秋以為冬夫陽氣既復何必不謂之春陰氣將究何必

不謂之冬。後漢陳寵曰：十一月陽氣始萌，有蘭射干，去荔之應。天以為正，周以為春。十二月陽氣上通雉，雖雞乳地以為正，殷以為春。十三月陽氣已至蟄蟲，始振人以為正，夏以為春。其義甚確。而著矣。第授民時則以人正為宜，要亦聖人之持論。則然。豈得帝制而自為哉？

禮雜記云：夫人之不命于天子，自昭公始。則昭公以上，夫人皆命于天子可知。豈有夫人命于天子而已。

謂內無所承上，不請命以是而削其即位，則亦不宜書薨。且通之十二公，其說多支離違迕，而不違決。非聖人之旨矣。或云攝也，不行即位之禮，故史無書。或云成公之讓也。夫苟不行即位，何以改元而稱公？既改元而稱公，又何以成其讓？或又云：即位于先公之年，以為非禮而不書。則春秋所書魯之非禮，多矣！何獨于此而削之？義所難通。姑以定元年之不書正月推之。四公竊意脫簡，為近是。識之以俟明者。

之即位，反不請命者，但不入朝而請以是為罪。比于列國之不請命，固有間矣。故諸侯繼世，皆不書立于魯。則書即位，猶之諸侯書卒而魯獨書薨也。亦因其異而異之，非徒以魯史而尊魯也。以書薨推之，則知魯之十二公，無不書即位者。隱莊閔僖不書即位，脫簡也。凡正月無事，而二月、三月有事者，既書二月、三月，則不書正月。雖元年亦然。定公是也。此書正月而無事，必有脫簡，如夏五郭公者，多矣。何疑于此？如

戰國秦惠文詛楚之辭，猶其遺意然。先王貴盟之意，襄十八年晉伐齊，中行獻子之禱于河，著是也。流至

所以慎重其事實諸鬼神示無所私也後世乃以植私黨而不領于天子之盟府何怪其泯泯棼棼罔中于信矣適以啟爭而長亂故春秋譏之此越喪禮而行則尤譏也不書其故不問何事而皆非也惟以王事盟而書王臣者為善之程子曰內為主書及外為主書會在魯地雖外為主亦書及孫氏曰附庸之君未得列于諸侯故書字以別之

夏五月鄭伯克段于鄢

欽定四庫全書

讀春秋裏記

三

諸侯之弟書公子者常詞也書弟者變詞也此削其公子段為逆也胡氏以不書弟為路人之詞非也書克不書伐者鄭伯以欲取姑與之術積謀而克之不俟伐而後克也夫叔段即不可教母命即不可違當

其收貳于己之時遷之別邑使不得有為如舜之封象可也兄弟之間而以力克已惡矣況以術乎

秋七月天王使宰咺來歸惠公仲子之贈

尊王子天教天下以天事王也天下無二天則亦無

二王既明此義于天下則稱天而王尊但稱王而王

亦尊蓋春秋為天子之事言以天子之法制褒貶天下之諸侯也豈得有所褒貶於天子哉仲子之贈咺

為大臣不知諫止而承命以行貶而名之可矣成風之賜不名榮叔者春秋之法善惡未明者褒貶之以明其義善惡較然者據事而大書之其義自見也仲

子之賜因惠公而及之猶有說焉其失或有未明若成風則專使也而含且贈且會其莫焉其失已較然

欽定四庫全書

讀春秋裏記

六

矣此書法所以異也惠公仲子公羊氏以為兼之是也文九年之書僖公成風亦然程子以惠公之妾為惠公之仲子猶可以僖公之母為僖公之成風則不可

九月及宋人盟于宿

及之者公也不書公內稱不必備也如及齊平及鄭平之類可見胡氏或以書及為微者或以書及為諱公是夷公子微者矣恐未必然稱人微也有本微者

有賤而徵之者魯史既亡不可復考

冬十有二月祭伯來

王臣之與諸侯原無世相朝之禮故不可以言朝惟書來而已以私事來未為非禮不請于王是為非禮耳

程子曰天下有道諸侯順軌豈有內外之限謂王

臣無外交者非也

公子益師卒

大夫之卒不書爵雖王大夫亦然考之王制大夫不

欽定四庫全書

續春秋記

卷一

世爵諸侯之大夫不世爵祿以妨賢也當時大夫往往皆世其爵春秋所不與也故子王大夫生則稱之

歿則已焉諸侯之大夫益可知已不日史佚之

二年春公會戎于潛

孫氏曰諸侯非有天子之事不得出會諸侯況會戎哉陳氏曰會戎于潛會吳子于黃池春秋之所終始也

夏五月莒人入向

無駁帥師入極

駁作僕

桓十六年城向則向為魯之屬國也莒入向而無駁入極則極為莒之屬國與攻其所必救以解向人之難與不書氏常詞也無駁卒而後賜族如以不書氏為貶則未賜族者何以明之

秋八月庚辰公及戎盟于唐

既與戎會又懼其不協而與之盟此其失在平日不能自强春秋所深惜也若不度事勢徑情而拒之又開釁連禍之道非聖人所以教人者矣書日因史文

欽定四庫全書

續春秋記

卷一

也胡氏以書日為謹之聖人何事不謹而獨謹于盟戎乎

九月紀履渝來逆女履渝左作裂襦冬十月伯姬歸于紀

程子謂親迎者迎于所館不得委宗廟社稷遠適他國以逆婦然諸侯有相朝之禮何獨親迎不可但親迎為禮之輕者苟或事幾閨切不可遠離即使卿逆未為非禮陳氏曰內女為君夫人未有書來逆者此書逆蓋遭人倫之變者故詳之也內女皆書歸不書

者必有故也齊子叔姬鄭伯姬杞叔姬皆不書歸遭

出也餘不書歸非君夫人也

紀子伯莒子盟于密

伯左作帛

攷紀本侯爵而書子猶之祀與滕也大抵見貶于時

王耳王命不行于大國若小國固能行之矣

十有二月乙卯夫人子氏薨

汪氏曰左氏以為仲子則未死而歸賰雖五尺童子必無此事公羊氏又以為隱公之母使隱公果尊其

欽定四庫全書

讀春秋記卷一

九

母則當葬以小君之禮而書於經矣此不書葬知為隱公夫人也張氏曰不書葬者婦人從君故君存則葬禮未備待君薨而合祔也宋朝皇后亦然蓋古之遺制與

鄭人伐衛

公孫滑之亂前之相伐不書此何以書惡其用師不已也處心積慮成乎滅叔之嗣也

三年春王二月己巳日有食之

天與人同其氣則亦同其數然數本于氣氣本于志

志立則氣數隨之志不立則隨氣數而變矣故太平

之世日有當食而不食者如唐開元十二年十三年

一行之所推候者最可信也開元如此况上世乎即不盡然食亦不能為災故程子曰日食必書者亂世必為災也治世則否

以厯推此日食乃三月己巳朔非二月也因二月誤書而三月之庚戌四月之辛卯八月之庚辰十二月

欽定四庫全書

讀春秋記卷一

十

之癸未皆差一月以二年十二月之乙卯及四年二月之戊申正之其差較然顯白置閏於三年二月之前則乙卯己巳合矣無以解于四年之戊申置閏于三年十二月之後則癸未戊申合矣無以解二年之乙卯蓋二年八月得有庚辰則己巳為三月朔其食限合而支干亦無不合由此以觀其訛舛已甚是豈春秋之原文而三傳皆同莫之能辨幸而一定之

支干凡人可以共証若其他文之無可証者孰能辨其誤哉學者欲從千載之下一一詳求其義胡可得也

三月庚戌天王崩

書天王崩王人來告也不書葬諸侯不赴也或缺文嗣王即位亦不書以魯紀元則不敢以天子之元繫

之也

夏四月辛卯尹氏卒

尹左作君

欽定四庫全書

續卷一秋賦記

王之大夫即畿內之諸侯也若其私相黨附即外諸侯亦有所不可若弔死會葬之禮內外諸侯莫非王臣寧有異乎當時王室微弱故王大夫不得與諸侯

八月庚辰宋公和卒

稱武氏子蓋父在子未爵也穀梁氏曰未爵而使之非正也高郵孫氏曰為上者無求求之失上也為下者無見求求之失下也

秋武氏子來求聘

王之大夫皆世卿也其卒也何無一人復書氏者且

列國之世卿可勝識乎

王室之亂故于卒也書曰尹氏以深讖之若世卿則王之大夫皆世卿也其卒也何無一人復書氏者且

列國之世卿可勝識乎

嗣故書爵祿則不書爵以明春秋之內諸侯皆不宜

始終而已若其生平辨是與非有善未嘗不與也一

筆一削易道存焉矣然不書薨而猶書爵者明世守也周先王之所命也公羊氏曰卒從正書爵書名以正其終臣道也

冬十有二月齊侯鄭伯盟于石門

張氏曰隱公十一年間盟而不食言者惟此然宋與許紀諸國交受入伐春秋詳書于策使人考其本末知二國相與之固列國所以並被其禍也由此言之春秋書盟非徒惡其不信尤惡其植黨肆惡以為信

欽定四庫全書

讀春秋書記
卷一

主

也

癸未葬宋穆公

鴻公數作穆

程子曰春秋諸侯皆不請于王而私謚稱私謚所以罪其臣子按定公四年葬劉文公文公為王卿士其謚必出于王書之與外諸侯同詞則春秋之書葬非罪私謚明矣周禮小史之職曰卿大夫之喪賜謚讀誄不及外諸侯則諸侯雖有請謚之事天子不必皆賜謚如昭七年葬衛襄公傳可証也天子不必賜謚

則私謚亦法所不禁可知至于公者五等諸侯之通稱燕禮聘禮君皆稱公以對臣下而稱之也公羊氏曰卒從正莫從主人從正者卒則稱名稱爵以著人臣之義從主人者莫則稱謚稱公以申一國之尊所云一張一弛文武之道也詳見昭七年傳

四年春王二月莒人伐杞取牟婁

金壇王氏曰杞當作紀牟婁在漢北海郡平昌即今青州安丘縣蓋紀邑也杞都雍丘距此甚遠按漢志

欽定四庫全書

讀春秋書記
卷一

南

注云先春秋時杞徙魯東北蓋亦因此而誤莊二十七年公會杞伯姬于洮洮為曹地在魯之西界則此時杞都雍丘無疑且襄二十九年晉治杞田牟婁果為杞邑古何得不歸于杞至昭五年莒牟夷乃以之奔魯乎

戊申衛州吁弑其君完

州數作祝

不書公子以罪削之也亦有弑君而書公子者譏當時之不討賊耳齊商人楚比雖見殺而非以賊討亦